

REMITIDO

Apreciado Señor Redactor,
Na promer lugar nos kier a gradici bo pa un espacio den e corant tan leza.

Nos ta kier informa e pueblo carnavalesco cu Rey di Tumba Lionel a participa den Carnaval di mucha. Pero si na pia, hunto cu prins y pancho

y e reinanan.

Motibo ta lo siguiente. Nos a pidi tres banda musical cu si nan por acompaña pa e por a canta su tumba. E Pato.

E contestanan ta, cu La Nueva Fuerza ta esun cu mester acompaña; Si La Nueva Fuerza a toca den Carnaval di mucha lo no tabata necesario pa acerca

otro banda musical.

Nos a haci tur esfuerzo pa haya amplifier y Delco. Sea pa huur o fia. Pero no tabata posible. Momento cu su compositor a haya amplifier nos no ta por a haya Delco.

Pa momento cu a bin haya un Delco na ultimo ora. E parada ta cla pa cuminsa y e Delco tabata

tin un fayó.

Ta pa e motibo ey nos Rey di Tumba no a participa cu su cancion.

Pero si el a demostra di ta un bon Rey di Tumba Infantil di jump henter e parada a pesar di tur e problemanan.

Nos Rey Lionel no a perde animo. E palabra

cu el a expresa ta Mi ta bay na pia mes.

Y esey ta algo di aprecia pasobra Lionel kier meen Carnaval e ta bay toh.

Señor Redactor un bigra mas masha danki pa espacio den e corant tan leza.

Nombre y direccion conoci pa redaccion.

CANDIDATANAN PA REINA DI CARNAVAL

ORANJESTAD(AAN)—Esaki ta e candidatanan cu lo participa na eleccion di Reina di Carnaval diaviera awor den RCA, segun e lista y fotonan cu a ricibi.



SASKIA WEVER
Savaneta



CLARINA GEERMAN
Sta. Cruz.



DAPHNY LAURENCE
Grupo Wantomba



MARLYN KELLY
Paradera



ANKIE THODE
Miss Mariniers



INGER LOPEZ
M.A.O. School



ANOUSHKA DIRKSZ
Club Caribe



SHELLY SALADIN
Oranjestad



MENA MADURO
San Nicolas.



CARNIVAL CASH
DISCOUNT:
JAN 16 - FEB 16

Water Coolers	-150/o
Ice-Chests 20 o/o &	-300/o
Barbecue Grills	-150/o
Alum. Chairs	-150/o
Contact Cement	-150/o
White Glue	-150/o
All Purpose Cement	-150/o
Poultry Wire	-150/o
Spray Paint	-150/o
Hardboard	-150/o
Plywood	-150/o
Binding Wire	-150/o
Gun Tackers & Staplers	-150/o
Masking Tape	-150/o
Wood Dowels	-150/o
Generators	-150/o
Casters	-150/o

B.J. ARENDS & SONS
O'STAD-DAKOTA-SAN N.

CONGRESO MUNDIAL DI HUMOR NA INDIA

HYDERABAD: Den e ciudad Hyderabad, for di weekend pasa ta tumbando lugar e congreso di humoristanan. Mas o menos 150 humorista di 25 pais ta formando parti.

Esaki ta e prome congreso mundial di humoristanan.



Bo tin gana di bay

Punto Fijo?



Ban ku Prop-Jet di
ODUBER AVIATION
jama 26975 of 23080

Diadomingo venidero no tabata e humoristanan pero e politiconan kendenan tabata tin mas exito cerca publico cu nan anecdotan di susedidonan durante nan carera.

E humoristanan di exterior tabata tin problema cu nan chistenan pasobra ta difencil pa nan pa por traduci nan chistenan den un idioma straño of laga otro conte sin cu e perde valor.

Un humorista surcoreano a falla por completo pasobra e no por a compronde ningun otro idioma y no tabata tin otro pa traduci pe.

E congreso a dicidi pa funda un sindicato inter-

nacional di humoristanan. Esaki parce ta un punto di agenda cu mes-

ter wordo tuma na serio. E congreso ta termina diaranzon.

IDIOMA DI PARHANAN
A SER DECIFRA

INNSBRUCK—Den Alpen tin un tipo especial di parha cu semper a haya basta atencion.

E asina yama Alpenkraai, a ser studia durante dos aña y mey pa un Thaiandes den un jardin zoologico y awor el a bisa di a yega na e formula pa e forma cu e parhanan ta conversa cu otro.

Pa por a lanza e informacion cu a causa basta sensacion, e Thaiandes a pasa

lunnan largo cu un taperecorder den vecindario di e parhanan y a registra cada movecion y ruido.

Asina e por a determina cu e parhanan ta haci chansa cu otro, tabata rabia cu otro y cu esnan cu tabata cuida nan y tabata adverti otro pa peligro.

Mientras e Thaiandes a regresa e Universidad di Bangkok, su estudio lo keda publica pronto.

LESA
DIARIO